

兵部則例



兵部則例

職方清吏司

詰禁

一保甲

國初定。凡州縣鄉城。每十戶立一牌頭。十牌立一甲。長十甲立一保。正每戶給印牌一張。書姓名丁數。出則記其所往。入則稽其所來。其客店亦令各立一簿。將每夜宿客姓名。所帶行李牲口。及作何生理。往來何處。逐一登記明白。至於寺觀。亦分給印牌。上書僧道人數姓名。稽察出入。



如有奉行不力。或徒委吏胥需索擾害者。叅劾照例議處。○康熙二十五年題準。近京屯莊旗民雜處。各州縣將旗民均編立保甲。各立甲長。稽察盜賊。如有面生可疑者。即拏送地方官訊究。倘甲內旗人爲盜。或屯領催窩盜者。即解送刑部治罪。○三十六年覆準。八旗暨內府佐領下人。有在近京地方開窩者。亦令地方官編立保甲。令甲長不時稽察。如在地方生事。即解送刑部治罪。○雍正四年

諭。弭盜之法。莫良於保甲。乃地方官憚其煩難。視爲具

文。奉行不實。稽察不嚴。又有藉稱村落奇零。難編保甲。至各邊省。更藉稱土苗雜處。不便比照內地者。此甚不然。村莊雖小。即數家亦可編爲一甲。熟苗熟獐。即可編入齊民。苟有實心。自有實效。嗣後不實力奉行。作何嚴加處分。保正甲長及同甲之人。能據實舉首者。作何獎賞。隱匿者作何分別治罪。著九卿詳議具奏。欽此。遵

旨議準。嗣後每戶給印牌一張。書姓名丁數。偶有出入。必使注明。不許容留面生可疑之人。若村落奇零。戶不及數。即就數編立。至熟苗熟獐。已經向

化應一例編立保甲。如地方官不實力編排，以致盜賊窩藏。將州縣及營汛專管官，照不能察緝姦民例降二級調用。兼轄官係同城者降一級調用。不同城者降一級留任。能察出詳揭者免議。保正甲長牌頭及同甲之人，果能實力察訪，據實舉首，照捕役獲盜過半以上例。地方官按名數酌量獎賞。倘牌頭於所管內瞻狗隱匿，事發之日，係強盜，照不應重律折責。係竊賊，分別輕重酌量懲警。若牌頭曾於甲長保正處首告，不據實轉首者，一經發覺，甲長照牌頭減一

等發落。保正減二等發落。牌頭免坐。若屯堡村莊聚族百人以上，保甲不能徧察者，選擇族中人品剛方者，立為族正。如有匪類，令其報官究治。倘瞻狗隱匿，與保正一例治罪。○五年覆準。紳衿一例編入保甲。聽候稽察。如抗不遵依，比照脫戶律治罪。地方官狗情不詳報者，照狗庇例議處。其保正甲長紳衿免充輪直支更看柵等役，亦準免。至齊民內有衰老廢疾及孤寡之家，子孫尚未成丁者，均準免支更看柵及一應差徭。○又覆準各處大小船，易於藏姦，令地方

官取具船戶鄰右保結。編列號數。於船兩旁刊刻某處船戶某人姓名。給以執照。該船戶持照攬載地方及營汛官弁。不時稽察。其採捕漁船。姦良更難分辨。照陸路保甲之例。以十船編為一甲。一船有犯盜竊者。令九船公首。若隱匿不報。事發將同甲九船。一并治罪。至漁船停泊之處。百十成羣。多寡不等。十船一甲之外。如有餘船。即以奇零之數。編為一甲。地方及營汛官弁。隨時留心點驗。不得虛應故事。○又覆準保正甲長。準免本身差徭。如有借名武斷鄉曲者。嚴

察革究。一切戶婚田土。不許干預。專一稽察盜賊及人命賭博等事。○又覆準保甲之法。苗民謂之合橋。除隔省并生苗地方。或村寨相遠。不必合橋外。其村寨附近者。令其合橋防守。○十一年議準。臺屬多流寓之人。除立有產業。兼有父母妻子者。自有十家甲牌可稽。其並無家室產業。如佃戶傭工貿易之類。取具業主房主鄰右保結。附於甲牌之末彙報。以備稽察。○乾隆二年議準。編立保甲。原為消弭盜賊。務令保正甲長。逐戶稽察。如有踪跡可疑者。即行呈報。倘

有贍狗隱匿。按律治罪。至於塘汛兵丁。原非徒供差使。實爲弭盜安民而設。各該督撫提鎮。飭令營汛官弁。嚴飭塘汛兵丁。晝則循環守望。夜則輪流巡邏。如遇行踪詭秘。逐加盤詰。若有搶截劫掠。不能救護擒拏。甚至盜賊出沒。漫無知覺者。除將兵丁斥革。重加責懲外。該管官知情狗隱者。降三級調用。失察者。罰俸一年。○四年議準。貧民入四川者。聽其散居各府州縣佃種者。令業主出結。貿易者。市鄰出結。依附親故者。親故出結。寄居寺廟者。留居之地主出結。與土

著一併編入保甲。互相覺察。如有生事可疑之人。許原出結。并鄉保鄰右人等首報。○又議準。江南浙江福建府州縣內。搭棚山居。以墾地種麻。煽冶開爐造紙。做菰等項。爲資生計者。其間土著甚多。亦有鄰省失業流寓之人。均照保甲例。按戶編排。責成地主。并保長出具保結。倘居住星散。不論棚數多寡。自爲一甲。互相稽察。○又議準。廣東州縣民人。有入山搭寮。取香春粉。砍柴燒炭爲業者。照保甲例編排。每寮給牌一張。令寮人互相保結。擇老成謹慎者爲寮長。寮

戶聽其鈐束。遇有遷移加增。察長及互結之人。將牌赴縣更正。倘窩藏姦宄。容隱不報者。發覺連坐。營汛官弁。每月撥兵巡察一次。不許生事擾累。內有未經報官搭寮居住者。即送文職官察審。如漫不經心約束。以致窩藏姦匪者。照例議處。○八年奏準。山西陝西邊外蒙古地方。種地民人甚多。姦良難分。即於種地民人內。擇其誠實者。每堡設立牌頭四名。總甲一名。令其稽察。○十二年題準。浙江玉環山管轄島嶼。所有居民人一體編立保甲。弁分別是農是漁。不

許溷雜。○十三年覆準。山西陝西邊外設立牌頭總甲。令其稽察姦匪。如有罪犯逃往蒙古地方行竊。弁情有可疑之人。即稟明該管官解回原籍。該管官於春秋二季。取具牌頭總甲並無容隱甘結注冊。

一緝盜。順治初年定。武職各官。諱盜不報者。革職。○又題準。營汛官弁。能獲大盜窩家者。紀錄二次。獲小盜窩家。督撫提鎮酌量給賞。如不實力察訪。別經獲盜。供出窩家。將該管專汛官罰俸一年。○十八年題準。山海大盜千百成羣。攻

陷城池。官弁臨陣敗遁。該督撫提鎮題參。照律治罪。○又題準。鎮店路途。被盜劫失餉鞘。將護送營汛官弁革職。○康熙四年題準。盜案疎防。將經制專汛官題參。不得以外委官題參。塞責。○五年議準。營汛官弁。遇有盜案。係殺人劫物者。務訊問明白。一面追捕。一面申報。該管之上司。以便通行緝拏。若不申報。或借名擒勦。殺害良民者。該官弁革職提問。該提鎮於此等劣員。不申報。總督及總督不即題參者。總兵官降一級留任。提督罰俸一年。總督交吏部議處。如無

總督省分。聽提督題參。無提督省分。聽總兵官題參。○又議準。盜案失事。限年緝拏。各官若將未獲盜犯。捏報死故者。革職。兼轄官不詳察轉報者。罰俸一年。督撫提鎮不詳察具題者。罰俸六月。○七年議準。城內被盜劫掠。殺傷官民。并搶奪倉庫獄囚者。專汛官住俸。限一年緝拏。全獲開復。限滿一名不獲。降一級調用。獲未全者。降一級留任。再限一年緝拏。全獲開復。如仍未全獲。但能獲過半者。再降一級留任。未獲盜犯。照案緝拏。全獲開復。如二年限滿。獲盜尚不及

半降二級調用。若能於一月內獲盜一半者，停升。未獲盜犯，限一年緝拏。全獲免議。限滿仍不全獲，降一級留任。未獲盜犯，照案緝拏。全獲開復。同城兼轄官，均照此例議處。其同城副叅等官，作統轄題叅者，照兼轄官例議處。不同城兼轄統轄官，初叅罰俸六月。限一年緝拏。限內獲一半者，免議。未獲盜犯，照案緝拏。若限滿不獲，罰俸一年。仍令照案緝拏。同城提鎮，罰俸六月。限一年督緝。限滿不獲，罰俸一年。○九年議準。姦細出入境內，專汛官不能察拏者，降四級調

用。兼轄官降二級調用。○十年題準。總督題叅盜案，本省限四月。兼管省分限六月。巡撫提鎮題叅盜案，限四月。均以失事之日為始。扣算具題。如有逾限，專責具題之督撫提鎮計月處分。不分坐屬官。○十一年題準。盜賊偽稱名號，侵犯城池者，事屬叛逆。專汛兼轄各官皆革職。總兵官降二級調用。提督降二級戴罪圖功。若盜賊聚集一二百人，豎旗放礮，焚燬鄉村，搶劫擄殺者，專汛官革職。兼轄官降二級調用。總兵官降二級。提督降一級。均戴罪圖功。聚集六七十

人焚燬鄉村。搶劫擄殺者。專汛官革職。兼轄官降二級。總兵官降一級。均戴罪圖功。提督罰俸一年。至盜聚集地方。鄰近之提鎮。并駐防官。及副叅游各官。不親領兵剿滅。止差守備千把總。未弁前往者。各降二級調用。其專汛。兼轄。統轄各官。聞有盜賊聚集。不遞行申報者。皆革職。督撫提鎮。聞報不遣官兵會剿。以致賊勢蔓延。官兵失利者。皆降三級調用。若有此等盜賊竊發。即能剿撫淨盡者。均免議。○又議準。地方道路村莊。被盜失事。其設有墩鋪防兵者。專汛官住

俸。限一年。緝拏兼轄官。罰俸六月。限一年。督緝限滿不獲。專汛官降一級。留任。再限一年。緝拏兼轄官。罰俸一年。盜犯照案緝拏。三限不獲。專汛官仍留任。再限一年。緝拏如再不獲。降一級調用。若係偏僻村莊。曠野道路。向未設有墩鋪防兵者。專汛官停升。兼轄官罰俸三月。均限一年。緝拏限滿不獲。專汛官罰俸一年。再限一年。緝拏兼轄官。罰俸六月。三限不獲。專汛官罰俸二年。再限一年。緝拏四限不獲。專汛官降一級。留任。盜犯照案緝拏。其副叅等官。作統轄題叅

者。照兼轄官例議處。若兼轄統轄官獲盜一半者免議。專汛官獲盜過半。兼獲盜首窩家者亦免議。至失事地方有無墩舖防兵。該督撫提鎮於題叅本內聲明。以便分別察議。○又議準。道路村莊被盜失事。毋論有無墩舖防兵。提鎮均不議處。○又題準。奉差及赴任官員被盜失事。無護送官兵者。專汛兼轄官照地方被盜失事例議處。有護送官兵者。若在該管地方。又係所屬官兵護送。將專汛官降二級調用。兼轄官降一級。留任。統轄官罰俸一年。若被殺擄。無護送一級。留任。統轄官罰俸一年。若被殺擄。無護送

官兵者。專汛官降二級調用。兼轄官降一級留任。統轄官罰俸一年。有護送官兵者。專汛官革職。兼轄官降二級調用。統轄官降一級留任。○又題準。盜賊行劫。事主於本日或次日據實呈報。該管官不即接受。或接受不即申報。及接受呈報。不即緝拏。或追及盜賊。不能擒獲。致令脫逃。或不親身追捕。止差弁兵前往者。皆革職。若事主隔二三日呈報者。盜賊已經遠遁。祇照地方被盜失事例議處。至附近營汛各官。事主呈報。不即接受者。革職。如以非本管營汛。不即緝

擊或追及盜賊不能擒獲致令脫逃或不親身追捕止差弁兵前往者降一級調用其盜賊經過營汛該管官止追出界外不能緝拏及不親率官兵追捕止差弁兵前往者降一級留任該督撫提鎮於題叅疎防本內將各官曾否接受申報及曾否親身追捕情由聲明如含糊隱飾後經察出將具題之督撫提鎮罰俸一年○又題準盜案疎防不將經制專汛官職名開報僅以外委開報者開報官降二級調用轉報官降一級留任具題官罰俸一年○又題準各標協

中軍官經管錢糧不作兼轄若失事係該員營汛地方者仍照例題叅疎防○又題準盜案失事因公出境之官皆免議○十五年題準該管營汛內遇有盜案彼此推諉不報均照諱盜例議處如已經申報復又推諉者推諉官降一級調用轉詳官罰俸一年○二十一年議準京城有搶奪路行婦女及以藥物邪術迷拐男婦子女者巡捕營失察之專汛官罰俸一年兼轄官罰俸六月匿名揭帖粘貼通衢專汛官不察拏者罰俸一年兼轄官罰俸六月○三十二年奉

旨。官弁兵丁。有擒拏盜賊中傷及傷亡者。均照陣傷陣亡例。分別卹賞。○三十五年覆準。盜案處分。有加級紀錄者。均準抵銷。若於限年緝獲之後。捐有加級紀錄者。不準抵銷。○三十六年議準。督撫提鎮題報盜案。將獲盜月日備載本內。如不開明具題者。罰俸一年。○三十七年議準。盜案均於限內題參。疎防其有強竊仇盜。疑似未明者。限內報部存案。俟文職審明。如實係被盜。即將疎防各官察參。照例議處。○四十一年議準。近京地方。被盜失事。不先報地方官。徑自報部。遷延

時日。致盜逃脫者。概不準行。○又議準。京城巡捕營地方。竊賊窰門掘壁。偷竊財物。在該管營汛內拏獲。或經別管營汛官兵拏獲者。免議。若經民人拏獲送究者。將該管官罰俸三月。○又議準。京城前三門關廂內。被盜失事。將專汛守備。兼轄叅將游擊。皆降二級留任。仍罰俸一年。該汛千把總。送部各責四十板。馬步兵各責四十板。均限一年緝拏。不獲專汛兼轄各官。皆降三級調用。千把總革職。兵丁革糧。送刑部枷四十日。責四十板。盜犯

交與接任官。限一年緝拏。○又覆準。京城前三門關廂內。盜賊白晝搶奪財物。傷人致死。該管營汛官弁。當時全獲。及一月內全獲者。免議。一月內獲一半者。專汛官罰俸一年。兼轄官罰俸六月。如一月內無獲。專汛官降二級調用。兼轄官降一級調用。加級紀錄。不準抵銷。盜賊交接任官。照案緝拏。該汛兵責四十板。直省城內。盜賊白晝搶奪財物。傷人致死。該管營汛各官。照城內被盜失事例議處。○又題準。盜賊潛匿。居住該管地方。不能察拏。別

經被獲。供出從前居住地方。將該管專汛官降二級調用。兼轄官。同城者降一級調用。不同城者降一級留任。統轄官。亦降一級留任。○四十二年議準。京師五城地方。光棍借端挾詐。勒索錢財。攪擾市肆。行克者。責成巡捕營官弁。察拏如知情不察。拏者。革職。得財私放。捏稱逃脫者。革職。同兵皆交刑部治罪。失察者。將該管叅將游擊各罰俸一年。守備千總把總各降一級調用。至守備千總把總。拏獲光棍。不即送叅將游擊衙門。叅將游擊不即送步軍統領者。皆罰俸

一年。統領不速審結。經稽察御史叅奏。按遲延月日議處。○又議準。王公大臣官員等家人。領本生理。霸占關津要地。倚勢網利。不令商民貿易。挾制有司。干預詞訟。肆行不法。及民人借貸。王公大臣官員等銀。指名貿易。欺凌地方。該管專汛官不察。等者。革職。兼轄官降一級調用。統轄官罰俸一年。至有此等霸占之事。差官訪察。仍復徇隱。不據實申報者。革職。○四十三年議準。守備不作兼轄。至水師守備。有帶兵輪防哨巡之責。盜案疎防。同叅游一例議處。○四十五

年。覆準。老瓜賊肆行不法。營汛官弁。差兵在該管地方。晝夜更番巡緝。如不實力巡緝。責四十六。板知情故縱者。照窩藏容隱例治罪。能拏獲并出首者。照拏獲鄰境盜賊例給賞。如營汛官弁不能稽察。致兵懈於巡緝。降一級調用。若能拏獲別汛老瓜賊。照拏獲鄰境盜賊例議叙。○又議準。道路掩埋無主身屍。有被勒截傷形跡。係老瓜賊謀害。察驗確實。將專汛兼轄統轄官題叅疎防。照地方被盜失事設有墩鋪防兵之例議處。倘濫以仇盜未明。詳請立案者。照諱盜例

議處○五十一年議準京城前三門關廂內被盜失事一年內獲盜一半者專兼各官均免議如一年內獲不及半專兼各官仍照例議處○五十二年議準官員兵丁有擒拏盜賊中傷平復能當差者仍照陣傷例給賞若中傷殘廢不能復當差者照八旗兵丁例給與半分身價○雍正元年議準直隸四路捕盜同知地方被盜失事捕盜千把總於失盜之日即住俸停升一年限滿不獲責二十棍全獲開復如該汛地方三年並無盜案或三年內凡有盜案均能全獲

者該督察明具題將千把總不論俸滿以應升之官即用○又議準廣東將軍督撫提鎮標下官弁有貼防地方者若附近村莊河道失事將貼防官弁并參照專汛一體議處○又議準地方不逞之徒軟血結盟為盜專汛官不察拏者革職提問如平日失察一遇發覺即能擒獲者免議○二年議準失事隱諱不報或以強為竊以多為少賄囑事主通同隱諱者專汛官革職兼轄統轄官扶同隱諱者降三級調用如止係失察同城者降二級調用不同城百里以內者

降一級調用。百里以外者降一級留任。提鎮知情者降一級留任。失察者罰俸一年。均於題叅本內將知情失察及同城不同城並道里百里內外逐一聲明。分別議處。如專汛官隱諱兼統各官察出申報者免議。○三年議準盜案必有為首之人承緝專汛官務獲盜首。如盜首初限不獲雖獲盜過半仍罰俸一年。再限不獲罰俸二年。三限不獲降一級留任。如盜首果係病故有確據者準免議處。若假借別州縣所獲之盜指為本案盜首或先報盜首脫逃後經審出仍

在該地方隱匿或控報盜首病故後於別案發覺者假借隱匿控報官照諱盜例革職。○又議準承緝官能將一案盜犯全獲者紀錄二次。○又議準營汛官弁能於一月內拏獲鄰境失事案內盜首者加一級紀錄一次。拏獲夥盜者每名紀錄一次。一月以外拏獲鄰境失事案內盜首者加一級。拏獲夥盜者每二名紀錄一次。其兵丁係一月以內拏獲鄰境失事案內盜首者賞銀二十兩。拏獲夥盜者每名賞銀十兩。一月以外拏獲鄰境失事案內盜首者賞銀十兩。

等獲夥盜者每三名賞銀五兩均令原失事地方各官捐給若離任該督撫提鎮捐給○四年議準盜案實無窩家者即於招內聲明若審有窩家承緝專汛官必獲盜過半兼獲盜首窩家始免議處如限內止獲盜首并獲盜過半而窩家不獲者仍照不獲盜首例議處倘實有窩家因畏避處分將窩家刪除者照諱盜例革職○五年議準餉鞘被盜失事地方專汛官革職留任限一年緝拏全獲開復如限內獲盜過半兼獲盜首者仍留任緝拏倘逾限一年獲不及半

及雖獲半盜首未獲者革任未獲盜犯交與接任官緝拏同城兼轄官住俸限一年緝拏全獲開復限內不獲降一級調用不同城兼轄官初叅罰俸六月限一年緝拏統轄官不論同城不同城均照不同城兼轄官例議處提鎮初叅罰俸三月限一年督緝限滿不獲罰俸六月盜犯照案緝拏若一經失事當即獲盜過半兼獲盜首者專汛兼轄統轄官均免議或經鄰汛及州縣各官當即獲盜過半兼獲盜首者專汛兼轄統轄官亦均免議未獲盜犯照案緝拏○又議

準解官押運餉鞘。潛行小路。不由大道。並不執票赴營汛。挂號撥兵護送者。遇有失事。該營汛官止照地方被盜失事例議處。○六年議準。京城巡捕營有奉

旨緝拏要犯。並關係重大盜賊等犯。脫逃。經管應捕之員。城外者。責成專汛官。住俸限一年緝拏。一月內拏獲者。免議。一年限滿不獲。降一級調用。犯人交接任官緝拏。若非經管應捕之員。能於一月內拏獲者。一名紀錄二次。一月以外拏獲者。一名紀錄一次。○又議準。地方被盜失事。外

委千把總。停其拔補。限一年緝拏。限滿不獲。責二十棍。再限一年緝拏。三限不獲。革去頂帶。仍限一年緝拏。四限不獲。革去外委。盜犯交與接任官照案緝拏。若能限內獲盜過半。兼獲首窩者。免議。獲盜過半。首窩未獲者。仍照例按限叅處。○又議準。餉鞘到境。如解官欲就小路行走。不遵營汛官弁勸阻。該營汛官弁即詳報督撫提鎮題叅。如希免護送。聽其行走小路。將該營汛官弁罰俸一年。其解官執票赴營汛挂號。該營汛官弁不照定數撥兵。及所撥之兵中途私

回者。解官徑報該督撫題參。將該營汛專管官
弁罰俸一年。兵責革。○七年議準。衙署被竊。該
員據實申報者免議。其承緝承審之文職。仍照
竊賊例處分。若諱匿不報。將該員降一級留任。
限一年緝拏。獲賊開復。一年限滿不獲。降一級
調用。○八年議準。城內及地方被盜失事。該提
鎮照定限察取疎防職名。開報總督題參。無總
督省分。該鎮開報提督題參。無提督省分。該管
兼轄統轄官開報該鎮題參。如逾限不開報者。
罰俸六月。○又議準。前官諱盜之案。接任官於

到任三月內察出揭報者免議。如逾限不能察
出。別經發覺。將接任官革職留任。接任兼轄官
同城者。降一級留任。不同城者。罰俸一年。到任
未及三月者免議。接署官亦照此例議處。○又
議準。前官去任未獲盜犯。交與接緝官。限一年
緝拏。限滿不獲。罰俸一年。盜犯照案緝拏。限內
但能獲盜。雖不及半。亦免議處。獲過半者。紀錄
二次。全獲者。紀錄三次。若盜止二三名。接緝官
於一年限內拏獲一半。兼獲盜首。及獲盜過半
者。免其議處。仍紀錄二次。其僅獲一半。盜首未

獲者止免議處。毋庸議叙。○又議準盜賊遠颺他省潛匿居住已有實據經失事地方官關移察緝該管專汛官不實力協拏致令輾轉窩藏鄰境者降二級調用。○九年議準衙署被盜失事專汛兼轄統轄官均照城內被盜失事例議處。○又議準衙署被盜失事據實申報者該督撫提鎮依限題叅疎防照例議處。諱盜不報者革職仍留原任地方勒令出資懸賞與接任官協同緝拏俟獲盜過半準其回籍。○十年議準盜案疎防均照該督撫提鎮題本議結有應開

復者即準開復應議處者即行議處均知照刑部存案如題審覆覈之時有諱報控報等弊將專汛兼轄統轄官各照本例處分。○十一年議準拏獲盜犯供出先次行劫之處審明即行該督撫察覈若事主已經呈報將專汛各官照諱盜例議處事主未經呈報或失事未有實據者該督撫提鎮取具專汛兼轄統轄各官並無諱盜印結報部即照疎防例議處。○又議準諱盜之案若盜犯全獲者各官均免議。○十二年議準竊賊一夥至十人以上雖不行強營汛官弁

不能察拏。照強盜例。以疎防察叅。○又議準。盜竊田野穀麥果菜及器物之無人看守者。專兼各官均免叅處。○十三年議準。盜首未獲。除見在勒緝限內。例應扣限叅處者。仍逐案叅處外。至勒緝年限已滿。照案緝拏後。該督撫提鎮。於年底彙題。將承緝接緝督緝各官。一年內已獲幾名。未獲幾名。詳晰聲明。二三名不獲者。罰俸六月。四五名不獲者。罰俸九月。六七名以上不獲者。罰俸一年。○又議準。凡遇十人以上竊案。以獲犯訊供之日起限。將疎防各官察叅。○

又議準。因公出境各官。遇有盜案疎防。及失察等事。該督撫提鎮。將該員於何月日。因何事公出之處。聲明報部。如並未因公出境。捏報規避處分者。革職。徇情轉報。官降二級調用。其升遷降調。及有事故離任之人。原任內遇有疎防失察等事。果係因公出境。接任官察明。具詳督撫提鎮報部。倘不具詳。誤將職名開送者。罰俸一年。轉報官罰俸六月。○乾隆元年奏準。京師五城地方。設立柵欄。巡捕營每處撥步兵三名看守。每日定以二更為度。不許夜行。以防盜賊。除奉

旨差遣。及部院衙門差遣外。遇有延醫及生產嫁娶行走之人。并緊要等事。有證籠者。方許驗放。如無故夜行。該兵拏獲。於次日呈報該營。解送步軍統領衙門。責十五板。○三年議準。地方有光棍結夥。輪姦婦女孩童之案。犯人逃脫不獲。專汛官照盜案例扣限。四月叅處。其初叅以後。限內仍不能獲。將專兼各官。均照地方被盜失事例。分別議處。倘專汛官諱匿不報。及該上司徇隱不叅。照諱盜例。分別議處。○又議準。地方有兇徒結黨生事。或雇募多人。持械肆橫。該管專

汛官知情故縱者。革職。失察者。降一級留任。○又議準。弁兵拏獲鄰境竊犯。該管官察其所獲多寡。酌量記功鼓勵。○四年議準。京城巡捕營地方竊案。止將專汛官議處。兼轄官免其叅劾。○又議準。盜入城內。搶奪倉庫獄囚者。不同城之提鎮。亦罰俸六月。○又議準。承緝接緝官。能於照案緝拏之後。年底彙題之先。獲盜三名以上者。紀錄一次。六七名以上者。紀錄二次。督緝各官。總計所屬之地方盜案。一年內獲盜不及一半者。罰俸六月。過半者。紀錄一次。若承緝接

緝督緝官一年內拏獲之數與不獲之數相當功過相抵無庸議處議叙至彙題一次之後即免重複叅處盜犯照案緝拏○又議準官員該管營汛內有竊賊臨時拒捕傷人者若賊無獲并雖獲賊為首及下手之人未獲者將專汛兼轄各官題叅疎防勒限緝拏照盜案失事例分別議處其已獲為首及下手之人者免叅疎防未獲賊犯照案緝拏如於限內將案內賊犯全獲者紀錄二次○又議準道路村莊盜賊白晝搶奪財物傷人致死若犯未獲及雖獲犯而為

首并下手之人未獲者該管營汛各官照地方被盜失事例議處如已獲為首及下手之人惟夥黨未全獲者免叅疎防○六年奏準京師五城巡捕營地方盜案於報官之日為始扣限三月緝拏若逾限無獲都察院會同步軍統領題叅○又奏準城內被盜失事外委千把總初叅停其拔補限一年緝拏限滿一名不獲革退外委獲未全者革去頂帶再限一年緝拏全獲開復獲過半者仍留外委未獲盜犯照案緝拏全獲開復如二年限滿獲盜尚不及半革退外委未獲盜犯交與接任官照

案緝拏○又奏準被盜失事地方。原未設有經制專汛官。止令外委巡防者。督撫提鎮於本內聲明。止將外委官題叅疎防。○又奏準兼轄官統計一年之內。所屬各員。有拏獲鄰境盜犯。議叙至加一級。或紀錄四次者。由督撫提鎮察明咨部。將兼轄官紀錄一次。再有多者。照此遞加。○又奏準被盜失事。官員因公出境。經該管上司委官署理營務者。遇有盜案。該督撫提鎮於題叅本內聲明。免其承緝處分。回任之後。照接緝官例察議。盜犯照案緝拏。若係暫行差委。未經委官署理營務者。仍照

承緝官例察議。○又奏準署印官係題署咨署者。

照承緝官例察議。若暫行委署者。照離任官例罰俸一年。該督撫提鎮於題叅本內聲明。分別察議。

○又議準地方有仇盜未明之案。該管專汛官。協同文職緝拏。以呈報之日為始。限三月內訪察明白。若不能察出仇盜實情者。罰俸三月。仍限一年緝拏。限滿不獲。照文職緝克不力例議處。○八年題準京城巡捕營地方竊案。以失事之日起。限四月緝拏。限內全獲。及獲賊過半者。免議。限內無獲。及獲不及半者。將專汛官住俸。限一年緝拏。俟全獲

或獲過半均準開復。若逾限不獲將專汛官罰俸一年。賊犯照案緝拏。○十年議準採生折割之犯殘忍狠毒該營汛官弁有能拏獲正犯者照拏獲鄰境首盜例議叙督緝之該管上司照協同拏獲之例議叙如犯事地方不能察拏經別營汛拏獲者將該管專汛及兼轄各官照不實力編排保甲例分別議處。若此等兇犯潛匿該管營汛地方不能察拏或經人首告或經別處關會該管營汛官並不察拏或捏稱並無其人者照諱盜例革職。○十五年議準地方有關涉叛逆之犯向

例承緝督緝各官均限以三年緝拏。今減去一年。將承緝之專汛官革職戴罪限二年緝拏。不獲降二級調用。犯人照案緝拏督緝之兼轄官降二級戴罪限二年緝拏。不獲降一級調用。統轄總兵官罰俸一年。其接緝協緝各官以案發之日計算。如未滿二年停其升轉緝拏。俟滿二年將各官罰俸一年。犯人照案緝拏。以上各官若遇有

恩赦免其處分承緝者仍停升轉。照例勒限緝拏。以案發之日算起。計滿三年開復。接緝協緝者不

停升轉。犯人照案緝拏。○十六年議準。武職各官。緝盜是其專責。地方一有盜案。勒限緝拏。不獲議以降調。惟是緝限未滿。遇有事故離任者。向照離任官例。罰俸一年完結。以致限期屆滿。例應降調之人。亦得借告請病假名色。希圖倖免。嗣後武職及衛所各官。承緝盜案。除奉特旨升調。與迴避別補。及別案革職降調。丁憂治喪等事離任者。仍照離任官例處分。至告請病假。并終養者。如初叅未獲。例應住俸處分。既輕。為期尚遠。亦照離任官例議處外。其二叅三叅。例

應降一級留任者。遇有病假終養離任。即議以補官。日降一級留任。三年開復。四叅例應降一級調用者。遇有病假終養離任。即議以補官。日降一級調用。該督撫提鎮。將各該員因何事離任之處。於題咨內隨案聲明。以憑覈議。○十七年議準。鄰境官弁。有能拏獲發塚見屍。為首兇犯。每名紀錄一次。拏獲四名以上者。加一級。一捕逃。順治十一年議準。衛所及營汛官弁。獲解八旗逃人十五名者。加一級。三十名者。加二級。兼轄官視其所屬。有獲解逃人三十名者。加

一級六十名者加二級。統轄總兵官所屬。有獲解逃人四十五名者加一級。九十名者加二級。提督所屬。有獲解逃人二百名者紀錄一次。四百名者加一級。再有多者各照此遞加。總以一年一叙。若不至加級紀錄之數者。又并一年議叙。仍不足者。將前一年獲解之數截去。仍留一年獲解之數。於次年接算。不準三年合算。○又議準。官員拏獲八旗逃人。詳報總督提督。給咨遞解。屬巡撫總兵官轄者。詳報巡撫總兵官。給咨遞解。該督撫提鎮。均於每年四月內。將所屬

官弁獲逃數目。造具清冊二本。一送部備案。一送刑部。俟刑部覈明。咨部議叙。○康熙四十一年。議準。京城巡捕營。守備千總把總。拏獲八旗逃人至六十名者。加一級。叅將游擊督率屬員。拏獲逃人至百二十名者。加一級。再有多者。照此遞加。○又議準。近京地方。有賣身旗下之人。原有房產。守分度日。於民人並無擾累者。許令居住。原無房產者。均令伊主收回。若倚仗賣身。旗下恣意橫行。把持武斷。賭博姦淫。窩盜勾逃。許訟作證。擾累民人者。該管專汛官。申報上司。

照逃人例。察拏送部治罪。若仍容留居住。不行申報。專汛官罰俸一年。兼轄官罰俸六月。統轄官罰俸三月。○乾隆三年議準。八旗逃人。居住衛所營汛地方。該管官並不察拏。別經發覺。捕獲。察其居住未過六月者。免議。已過六月者。該管官降一級留任。過一年者。降二級調用。倘知情容留。居住不察拏者。革職。至兼轄官。視其所屬。二年內有一官失察逃人者。罰俸一年。二官失察逃人者。降二級留任。三官失察逃人者。降二級調用。統轄總兵官所屬。二年內有一官失

察逃人者。罰俸九月。二官失察逃人者。罰俸一年。三官失察逃人者。降一級留任。四官失察逃人者。降二級留任。五官失察逃人者。降二級調用。提督所屬。二年內有四官以下失察逃人者。均罰俸六月。五官以上失察逃人者。降一級留任。○五年議準。駐防逃人。居住地方。營汛官弁。接到該旗及各衙門移會。即差兵役協同拏獲者。免議。如不差兵役協拏。以致脫逃。察係居住六月以內者。將該員罰俸二年。至失察居住過六月一年。及知情容留。仍照例分別議處。

一緝私順治年間定地方行使廢錢專汛官不
察拏者一起降二級調用二起降四級調用至
三起者革職○康熙十七年題準大夥賣販私
鹽至十人以上帶有軍器專汛官徇縱不拏者
革職兼轄官降二級調用失察者專汛官革職
留任兼轄官降二級留任均限一年緝拏獲半
即準開復限滿不獲專汛官革任兼轄官降二
級調用其本汛雖未拏獲經別汛全獲亦免議
不全獲者仍照例議處○又議準官弁一年內
拏獲十人以上帶有軍器大夥私鹽者一起紀

錄一次二起紀錄二次三起加一級四起加二
級至五起者不論俸滿即升兼轄官視其所屬
一年內有拏獲三起者紀錄一次六起紀錄二
次九起加一級再有多者照此遞加○三十九
年覆準私鹽拒捕能全獲者各官均免議若夥
黨衆多不能全獲或獲二三名及兵被殺傷專
兼各官初叅免其處分限一年緝拏限滿不獲
專汛官罰俸一年兼轄官罰俸六月統轄官罰
俸三月鹽犯照案緝拏○四十四年議準小夥
販賣私鹽不及十人及十人以上不帶軍器者

專汛官失察一次降二級二次降四級均畱任。至三次者革職兼轄官一次降一級二次降二級三次降三級均畱任。至四次者降三級調用。○雍正三年議準地方私鑄錢及將制錢私燬專汛官知情者革職治罪失察者一起降三級調用二起革職兼轄官一起降一級二起降四級均調用。至三起者革職統轄官一起降一級二起降二級三起降三級均調用。至四起者革職如有均畱任。四起降四級調用。至五起者革職如有

從前失察今能拏獲不論年月遠近免議。文職拏獲同城之武職并免議。交界之所經別屬官員拏獲者亦免議。其拏獲私鑄私燬不論本管及別屬地方一起紀錄一次二起紀錄二次三起紀錄三次四起加一級。○又議準經紀鋪戶將私錢販賣攬和行使不察拏之專汛官一起降三級調用。二起革職兼轄官一起降二級畱任。二起降四級調用。至三起者革職統轄官一起降一級。二起降二級均畱任。三起降三級調用。至四起者革職提鎮一起罰俸一年。二起降

一級三起。降二級。均畱任。四起。降三級。調用。至五起者。革職。船戶夾帶私錢。押船官知情者。革職。失察者。降三級。調用。○六年議準。地方礦徒。私自聚集。該管官知情隱匿者。革職。平日失察。及經發覺。並不實力察拏。以致全無捕獲者。降三級。調用。獲不及半者。降二級。畱任。限一年。緝拏。全獲。開復。限滿。僅獲半者。降一級。調用。獲不及半者。降二級。調用。未獲之犯。交與接任官。照案緝拏。如一經發覺。比即獲犯。過半。降一級。畱任。餘犯。限一年。緝拏。全獲。開復。限滿。仍止。獲過

半者。罰俸一年。餘犯。照案緝拏。○十年議準。山東。山西。河南等省。出產硝黃。有結夥私行販賣者。不論出產及經過地方。失察之專汛官。照失察小夥私鹽例議處。船戶夾帶者。押船官照夾帶私鹽例議處。○乾隆六年奏準。失察小夥私鹽。降級。畱任。各官。限一年。緝拏。限滿。無獲。專汛官。罰俸一年。兼轄官。罰俸六月。各帶所降之級。再限一年。緝拏。限滿。無獲。專汛官。再罰俸一年。兼轄官。再罰俸六月。各帶所降之級。鹽犯。照案緝拏。○十四年奏準。天津。阿城。淮安。儀徵等處。

原係產鹽地方該督撫轉飭地方營汛官弁於糧船經過之時嚴行稽察舵丁水手應需食鹽每船總不許出四十斤之外如不實力稽察以致舵丁水手夾帶過四十斤以外者運官照例議處該營汛官弁罰俸六月○十六年議準各省武職官弁經上司委辦鹽務即有緝私疏引之責遇失察大小私鹽將承辦官照專汛例議處總辦官照兼轄例議處如拏獲大夥私鹽照所獲起數分別議叙

一禁賭原定官員賭博及開場容畱賭博者皆

革職治罪○雍正九年議準稽察屬官賭博專汛官責之兼轄官兼轄官責之統轄官如明知不揭叅者別經發覺將稽察官降三級調用若失察係同城者降一級畱任不同城者罰俸一年察出揭叅者免議○又議準地方有製造賭具之家不察拏者專汛官革職兼轄官革職畱任統轄官降一級畱任若係舊製賭具藏畱在家專汛官在任半年不察拏者降一級調用○又議準地方有製造賭具之家經官弁拏獲察係新製未及半年者專汛官加二級兼轄官加

一級統轄官紀錄二次○又議準地方有描畫紙牌之家不察拏者專汛官降二級調用兼轄官降二級畱任統轄官罰俸一年若將描畫紙牌出境販賣販賣地方專汛官不察禁者罰俸三月拏獲之員照拏獲賭具例議叙○又議準本汛有製造賭具之家經別處訪聞察拏本汛協同拏獲或本汛有製造賭具之人携往別處販賣經本汛訪聞察拏而彼處協同拏獲者此等協拏情由由拏獲之人申報該督撫察覈於疏咨內聲明均免失察處分○六年奏準專汛

官失察民人賭博者每案罰俸一月○又奏準民人賭博專汛官能察拏及經同城文武官察拏者免議因公他出者亦免議○又議準拏獲賭具之人隨本案議叙其該管兼轄統轄官統俟察明所屬一年內別無失察製造賭具及舊製賭具販賣賭具與失察賭博等事將所屬拏獲賭具之案於歲底彙冊報部分別起數議叙如所屬一年之內但有一案失察者將別案拏獲賭具槩不準議叙如屬官有失察等案該管兼轄統轄官能察出揭叅者將揭叅之官仍按

起數議叙。倘兼轄統轄官因所屬拏獲賭具。希圖議叙。將該屬別案失察徇隱不報者。降二級調用。○十一年議準。官員拏獲賭具。係武職拏獲。免同城文職處分。文職拏獲。免同城武職處分。若經接壤鄰境拏獲。其製造賭具地方官之該管官。係失察未過半年者。免議。至並非接壤鄰境。及失察已過半年者。如曾經差人協拏。免議。未經差人協拏者。仍照例議處。○又議準。後任官拏獲造賣賭具之人。察前任官如失察未及半年離任者。免議。失察已過半年者。仍照例

議處。若將失察已過半年之前任官。捏報未及半年。改移月日。代為掩飾者。除將該員拏獲之案。不準議叙外。仍降一級調用。未經察出之兼轄官。罰俸一年。統轄官。罰俸六月。能察出者。免議。至拏獲之後任官。到任半年以內。因賭博發覺。究出製造賭具。或舊存牌板。刷印。不過半年。即能拏獲者。均準議叙。其應議處議叙各官。該督撫察明前後官到任離任日期。均於題咨內聲明。○又議準。官員將鄰境新製賭具。未及半年之案。協同拏獲者。每起紀錄一次。至四起

者加一級。同屬該管上司管轄者，上司功過相抵，不準議叙。○十二年議準：失察賭博之專汛官，於照例議處時，將該員從前拏獲賭具議叙之，加級紀錄，悉行注銷。如該員已經數任，後有失察賭博之案，將前任內拏獲賭具議叙之，加級紀錄，一并注銷。其該管各上司，除因所屬別員拏獲賭具議叙之，加級紀錄，不必注銷外，如因失察賭博之屬官，從前拏獲賭具，同案議叙之，加級紀錄，亦悉行注銷。若該員失察賭博時，該上司先已離任，或該員調任別省，其失察之

處，已與原上司無涉。所有該上司從前因該員議叙之，加級紀錄，免其注銷。至上司本身失察賭博，仍將從前所有自行拏獲賭具議叙之，加級紀錄，并因屬官拏獲賭具議叙之，加級紀錄，悉行注銷。其失察製造賭具、舊製賭具，并販賣賭具等案，均照此例。○十三年覆準：拏獲賭具，如係舊製存留，或雖新製而失察已過半年止，免失察處分，不準議叙。倘將舊製存留賭具，捏報新製，及失察已過半年而捏報在半年以內者，將捏報官降二級調用。濫行轉報之兼轄官

降一級調用。不加詳察之統轄官。罰俸一年。至兼轄統轄各官。能將捏報情由察出揭叅者。察本案如兼轄統轄例。應議叙。即將揭叅之兼轄統轄官。照例議叙。如例不應議叙。既能揭叅。準免議處。○乾隆五年議準。官員同城拏獲製造賭具者。不分文武。將首緝之人。加二級。協拏之人。紀錄二次。首緝兼轄統轄官。照例議叙。協拏之兼轄統轄官。不準議叙。此等協拏情由。拏獲之人。申報督撫察覈。於題咨內聲明。分別議叙。若並未協拏。捏報協拏者。革職。扶同捏報之兼

轄官。降二級調用。統轄官。罰俸一年。提鎮。罰俸六月。若兼轄官。據詳轉報。並非有心扶同者。罰俸一年。如地方有造賣賭具之人。該專汛官。漫無覺察。經兼轄統轄官。拏獲者。將失察之人。議處。拏獲之人。照例議叙。○九年議準。拏獲賭具。議叙。不論文武。每案止準首緝一人。協拏一人。如有以三四人題請。濫邀議叙者。除不議叙外。仍將題請官。照例議處。○十四年奏準。地方有製造賭具之家。經營汛官。弁於半年內。拏獲者。因其可以搜索銷燬。拔本清源。自應照例優叙。

若係拏獲經過販賣之賭具。與拏獲製造者有
間。止將首緝之人。加一級。協拏之人。紀錄一次。
其該管兼轄統轄官。於歲底彙冊報部。察明所
屬有議叙加一級者。兼轄官紀錄二次。統轄官
紀錄一次。



